



Priener Starkbierfest – ein Gedicht!

Beitrag

Das heurige Priener Starkbierfest war – wie bereits berichtet – in mehrfacher Hinsicht ein Gedicht – ein wahres Gedicht prägte den Anfang des Fastenpredigers Johannes Dreikorn als er sagte: Jetzt wird es ERNST! Damit meine Bruder Johannes den Priener Verserlschreiber Ernst Reiter, der nachfolgendes Gedicht für die Fastenpredigt und für die Priener reimte:

Prean vaändat sei Gsicht

*Prean vaändat sei Gsicht
so manches do dro gfoid ma nicht!
Do andasrum, oiss is ned schlecht,
wos i damit aa sagn mecht!*

*No is unsa Prean ganz schee,
do duad des oiss so weida geh,
na ko ma Prean fei boid vagessn,
an seina Schönheit nimma messn!*

*Wenn i so durch de Straßn schau,
de Häusa meist nur grau in grau!
Proportional werns oiwei größä,
eng an eng,
größä boid wia manche Schlössä!*

*De Straßn passn ned dazua,
saan schmoie Fluchtn leida nua
und füa de Kraftfahrzeugschlittn
vui zwenig Parkplätz, unbestrittn!*

*Zu de Straßn waar no zum sogn,
vui daadn Auffrischung vatrogn!
Mehr Löcha habns oft, ois Asphalt,
ganz schee marod saan manche halt!*

*Wenn ma nach Südn Prean valasst,
do steht a Bauwerk dort,
des passt so gor ned, is a wahre Schand
und stört den Blick auf d' Kampenwand!*

*Zschuid saan mia Preana selba dro,
denn, iha Liabn, wißts as no?
Des Heizkraftwerk, es waar vasteckt,
hätt neamad an da Straßn gschreckt!*

*Leida is des so im Lebn
und oiwei wieda werds des gebn,
wenn ma ebbs gor so arg vaweahrt,
daaß wos Neis ned bessa werd!*

*Mia woin iatzt Prean no ned valassn
und uns im Zentrum umschaugn lassn:
Am Marktplotz warn einst scheene Baam,
do iatzt is kahl, daaß i mi schaam!*

*Scho wieda wurd a Baam dort gschlogn,
do daads hoid wieda oan vatrogn!
Ned wieslhaarig, kloa und schmoi,
an stemmign auf jedn Foj!*

*Ja Leit, es gaab no vui zum Kritisiern,
do loßts eich heit ned irretiern,
sogts unscheniert wos eich ned passt,
damit se draus ebbs macha lasst!*

Gedicht: Ernst Reiter

Foto: Hötzelsperger – Blick ins Priener Starkbierfest im König-Ludwig-Saal mit Fastenprediger Bruder Johannes



Bayerisches Staatsministerium für
Ernährung, Landwirtschaft, Forsten und Tourismus



Kategorie

1. Gastronomie

Schlagworte

1. Gedicht
2. Prien am Chiemsee
3. Starkbierfest
4. Verserschreiber Ernst Reiter